



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Enchiridion istud quam sit necessariu[m] nouo Christi tyroni. Cap. LXVIII.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

Colloquio
aliorum qui
quisque se
preparat.

Vita Iesu
quomodo
semper ha-
benda prae-
oculis.

quā ibis ad congregatōē aut ad hominū colloquia genibus flexis *Aue Maria*, cō-
oratione mentalidicas corā imagine B. Marię, vbi memoriale habes propofiti tui,
vt tibi feruet, custodiatq; benignitatem, humilitatem, serenitatem; ad omnia
charitatem impetret, nihilq; loqui, operari aut cogitare permittat, quod humi-
litem minuat, aut quod charitatem non augeat. Ad colloquia rurus in timore
re orato canticum, quod benedictissima ipsa suo ore eruſtauit, Spiritu ſancto in-
tus inter virginalia, precordia diſtante *Magnificat*, vel ſaltem mētaliter te com-
menda Beata Virgini. Intra hebdomadam, nullo tempore alteri (ſi monachus
es) facultatem loquendi petas: ſed (niſi maxima neceſſitate urgente) quicquid
habueris differas ad proximum colloquium, & tunc expedias ea qua habes ex-
pedienda ſimul omnia. Ieſu Chriſti vitam ſemper in oculis habe, eamq; aſidua
meditatione recole: huic tuam conferro vitam, & vide quanta ſit diſparitas
quantadiſimilitudo, quanta diſformitas vtriuſque. Vide quantum diſtes non
ſolum ab eius, ſed à cuiuſcunq; etiam Sancti perfectione. Hęc meditans ex ani-
mo contriſtare, & teipſum coram Deo humiliare, orans deſiderio ardentifſimo
vt vitia tua in te corrigat, & ſua innocentifſimę vitę exemplar lucidiſſimum
imitari te faciat Ieſus Chriſtus Dominus & Saluator noſter.

*Enchiridion iſtud quam ſit neceſſarium nouo
Chriſti tyroni.*

CAPVT LXVIII.

Hæc ſunt quę in Chriſti militia nouo videbantur rudimenta tradenda ty-
roni, quę tametſi nonnullis fortaffe vilia videbuntur, adeo tamen ſeorsim
hęc, veterem hominem exuere cupienti, eſſe neceſſaria, vt ne vnum vi-
cium quidem abſque ijs expugnari poſſit. Habet certę ars quouis vel mechani-
ca, ſibi congrua quibus vtitur instrumenta, & in varia horum ſuppelleſtili ple-
rumque ſit vt ea, quibus aſperrima quęque aut craſſa ſecanda elimandave ſunt,
præ ceteris apprimè ſint neceſſaria; propterea quod niſi illa primū in manu ſuę
fuerint artificis, nihil interim perfecti, nihil abſoluti, nihil denique operis gra-
phice exarati producere poteſt. Hoc modo ſpiritu vitere incipientibus atq; pug-
nare contra vitia diſcentibus, rudimēta hęc noſtra quęcumq; videātur magis pu-
to fore neceſſaria. Et hęc beneuole ſint dicta lectori. Cæterum ſaſtidiōſis, ſuper-
bia tumidis, atque (vt verbo vtar Paulino) animalibus ſpiritus Dei non habentibus,
quid mirum ſi hęc illis non placeant? Quid enim hiſce hominibus præter
ea quę amant, placet? Porro quid ament, aut quis cordis eorum ſit theſaurus ip-
ſorum, & colloquia & vita clamant. Atque ideo huiuſmodi, qui quę ſpiritus ſunt
ſpernunt, ſapiunt vero quę ſunt carnis, corrupti eos eſſe iudicij maximè perſpi-
cium eſt; quod nullius quoque magis quam Apoſtoli teſtimonio liquet, qui pru-
dentiam carnis, non ignorantiam, non errorem, ſed mortem appellat. Quapro-
pter cū iudicio careant ij, vt pote Dei ſepientiam putantes eſſe ſtulticiam, legant ta-
men vel inuiti oportet de ſe ſcriptum: Perdam ſapientiam ſapientium, & pru-
dentiam prudentium reprobabo. De ijs vero qui ſpiritu opera carnis mortifi-
cant, quosq; ſtultos mūdus iudicat: Quę ſtulta ſunt mundi elegit Deus, vt confun-
dat ſa-

1. Cor. 2.
Iud. 1.

Rom. 8.

1. Cor. 1.

Rom. 8.

dat sapientes. Itaque filium se ostendit mundi, atque seculi amicum, quisquis ea
 quae spiritum instruunt, spernit. At verò qui studioso animo eruditionem spiri- 1. Cor. 2
 tus obsequat, siue per diuinum ea fiat inlicitum, siue per externam (cuiusmodi
 in his rudimentis contingit) instructionem, eandemque vsu frequentiori in con-
 suetudinem duxerit, haudquaquam, si perseverauerit, quin ad maiora, atque a-
 deo ad ipsius perfectionis apicem subleuetur desperandus est. Nunquam enim bo-
 nae dicitur voluntati Deus ad virtutem, ad sanctimoniam, ad anteriora perfectio-
 rum anhelanti.

*Alphabetum Aureum, eruditissimo iuxta ac sanctissimo viro D.
 Ioanni Thaulero, à suo magistro traditum, iuxta quod
 serereget, in nouitate ambulans vitæ, per D. Ioan-
 nem Iustum Lanspergium Carthusianum è
 germanico idiomate latinè donatum.*

CAPVT LXIX.

AD inchoandam vitam bonam adeo te accingi forti ac constanti animo o-
 portet, vt nulli labori, nulli difficultati scias esse cedendum.

Bona agere & cauere mala quomodo possis semper præmeditare, &
 melius operari indies stude.

Confidera in omni re medium, & eam discretionem vbique serua, vt ne quid
 nimis, ne quid minus.

Deuotus esto ac hilaris ad omnia bona, & absque murmure obedias.

Esto castus tam corpore quam anima, ac in cunctis alijs sincerus, quæcunque
 cordis aduersantur puritati à te excludens.

Fideliter te in operibus exerceas misericordiam tam spiritualibus quam cor-
 poralibus, nullam boni operis negligens occasionem.

Gloriæ alienæ non inuidias, nec aliena siue corporalia siue spiritualia sint bona,
 appetas: sed esto contentus diuina providentia circa te: & omnibus bonis indig-
 num te æstima.

Humilia te ipsum in verbis & operibus, ac exteriorem tuum hominem om-
 nibus subijce ex animo; intus vero te ipsum contemne, ac contemni gaude.

In simplicitate cordis omnia intellige, & in meliorem partem interpreta.

Karitas in te semper æstuet: cum fide firma & spe secunda ad Deum. Ad omnem
 vero proximum exhibe te sicut ad te ipsum.

Linguam tuam à malis & otiosis verbis contine: pro peccatis vero tuis ad la-
 chrymas, ad compunctionem & ad vitam abstractam te conuerte.

Mitis & mansuetus esto ad omnes, & nihil tibi occurrat, ex quo non ædifica-
 tionem accipias, & melior inde fieri studeas.

Non retrospicias ad seculi negotia, nec animo verferis circa creaturas negli-
 genter, sed vt spiritu semper proficias annitere, & propositum tuum ac consilia
 bona quasi iam primum incepturus quotidie & renoua, & magis roborata.

Omnem acediam, teporem, molliciem & indulgentiam propriam, violenter
 à te propelle & vince.

Bbb

Patien-

A.

B.

C.

D.

E.

F.

G.

H.

I.

K.

L.

M.

N.

O.